



太朝孝子傳

十一冊

正本

文

十六番
七冊

十



本朝孝子傳序



大哉孝之為行也天下之善皆原乎此若
 曰不原乎此而有善者則無是理故傳有
 之曰不得乎親不可以為人不可以為人
 則禽獸也禽獸豈有善之可言乎哉是以
 聖人所以教於人子之法昭昭乎詩書禮
 典而諄諄乎論語孝經後世實之以孝子
 之傳俾人則而象之如蕭廣濟鄭緝之宗

本朝孝子傳

序

一

躬徐廣等所撰是也其用心亦可謂盡矣
而我東方君子之國孝子亦祁祁焉茲
撰詎未嘗有豈古有而今亡乎非耶恭以
本朝中朝人性雖同而風氣固殊俗習
迥別則以中朝人治本朝人與以本
朝人治本朝人如何其无劇易昔者辨
內侍覩禁園賢聖之畫障曰設若撰出
我朝之忠臣孝子而令如是圖寫則合

能使我朝之人勸於忠孝惜乎其不然
也斯言最好伐柯者焉舍其手裡者而恥
則於他哉故謂假饒欲讀廣濟等書須先
識得本朝孝謹之人略以倣之而後逮
于彼也然世終未有其撰則識得其人者
宜乎鮮也頃歲星聚於奎國富於史其
已成帙者曷翅數十種本朝神社考本朝
編年錄京都鎌倉將軍家譜寬永諸家系

圖傳日本百將傳本朝人鑑及遯史等類

是也俗間又有日本古今人物史扶桑隱逸傳本朝列女傳等書皆雖

粲然傳播于世獨未見有導及孝子婦者

不能无遺憾也緇衣中偶有釋氏二十四

孝霞谷僧元政著釋門孝傳佛國寺性激著然亦匪啻在

家者不與焉抑其采入也不專於本朝

而反使中華西域之髡徒為之領袖其意

蓋唯在以解自家棄恩之嘲而已奚於世

教有所裨哉爰臧不自揣竊有志於纂述

曩臧之事親也幾乎所謂不可以為人者

痛悔噬臍悲恨薰心雖然往者難追但恐

子姪之效尤而薄於祖宗因欲訓他以

本朝孝子之行使其无肖臧之不孝是所

以竊有志於纂述也遂廼攬披其八於歷

史諸籍之中或干索之於世人傳聞之間

探實闕疑又併所嘗自目擊者得凡七十

有一孝子各紀其事實系之以贊且設鄙論于其下品自有五曰天子曰公卿曰士庶曰婦女曰今世循序臚列釐爲三卷名曰本朝孝子傳嗟乎僭越之罪杜撰之譏蓋自懼焉猥碎之文膚淺之論蓋自慙焉無奈達士之默默乎此何若夫他後幸有成於達士之手者斯編固是醬蒙藥楮也耳然於夫七十有一人則皆孝德卓異而

苟聞其風者未嘗无油然而生愛親之心故又妄謂雖有達士之撰亦不更易是人第有以增員革文爾未審何如城西名畫家符野永敬一讀是編拳拳不措每傳爲圖觀感之益於是乎切敝廬兒曹及諸族子儻能玩之而知其所向慕則所謂不可以爲人之人庶乎或寡矣志願在茲非敢欲荷獻於大方之家云闕逢困敬春分之日

伊蒿子勝藏序昔天和之第四禊也

凡例

- 一 此書編修以出六正史自日本紀至三代實錄者為主而采於稗史小說者附焉凡文皆不必依其舊省事約言以便習讀是欲使幼學輩從簡而得要也非敢妄脩飾之
- 一 事出於稗史小說之中而舊用國字者今皆寫之以漢字其文聊效六史轉徙摸騰之際只恐多舛差矣
- 一 每傳必記書名於下以著明其所出示其一

本朝卷子傳

序

四

不妄作也然本邦歷代之諸籍今所涉獵
蓋不過十之二三其餘豈无孝子順孫之見
収載者老病之餘不獲博考且家乏於簡編
思而止此為可憾爾

一 記事者唯稱孝子某而闕其事實者間或觀
之古史則有藤原朝臣春津等儔近世亦有
如洛人宗運者出信長記今无可得而記故皆漏
之不亦惜乎後人若有審他孝狀覬補入焉
一 今世之孝子婦何止十百然聞之於髣像而

未決之於耳目則不敢収載恐或有浮說故
惟采其事至著而鄉里皆稱之國主郡君有
賞之者擇而輯之所以不多也
一 論斷或有闕焉非闕之也其事近似而人亦
相類則或二人或三四人併為一論系之於
其最後欲語之不重複也

本朝孝子傳卷上目錄

天子

一

仁德天皇

三

仁明天皇

二

顯宗天皇

四

後三條院

公卿

一

久我大政大臣

三

小松内大臣

五

小野篁

七

藤原良仁

二

帥内大臣

四

藤原吉野

六

藤原道信

八

藤原マモル衛

九 山田宿禰古嗣 十 藤原良繩

十一 藤原岳守 十二 紀復井

十三 大江舉周 十四 日野阿新丸

十五 藤原長親 十六 北條泰時

卷中目錄

士庶

一 養老孝子 二 伴宿禰野繼

三 丸部臣明麻呂 四 矢田部黑麻呂

五 伴直家主 六 風早審麻呂

七 財部造繼麻呂 八 丹生弘吉

九 秦豐永 十 丈部三子

十一 信州孝兒 十二 隨身公助

十三 曾我兄弟 十四 鎌倉孝子

十五 大藏右馬頭 十六 楠帶刀正行

十七 本間資忠 十八 左衛門佐氏賴

十九 武州孝子 二十 養母孝僧

卷下目錄

婦女

一 兄媛

二 信紗氏直

三 波自采女

四 難波部安良賣

五 橘氏妙沖

六 薩州福依賣

七 請僧孤女

八 供衣貧女

九 南築紫女

十 舞女微妙

十一 坂東僧女

今世

一 大炊頭源好房

二 今泉村孝子

三 雲州伊達氏

四 中江惟命

五 川井正直

六 繪屋

七 神田五郎作

八 柴木村甚介

九 西六條院村孝孫

十 横井村孝農

十一 赤穗惣大夫

十二 由良孝子

十三 蘆田為助

十四 安永安次

十五 大矢野孝子

十六 中原休白

十七 鍛匠孫次郎

十八 三田村孝婦

十九 小串村孝女

二十 完栗孝女

本朝孝子傳卷上

天子

一 仁德天皇

大鷦鷯尊オホササキノミコト仁德ニトク譽田ホノ天皇ノミコト之第四子也ヨハシラテタリマシキリ幼而聰コトクテサヒク

明睿智及壯仁寬慈惠四十年春正月戊申譽サカシクミシス田テサカシニ天皇メクニウツククミシス之第四子也ヨソトセノムツキ

田メシテ天皇メシテ召大山守命大鷦鷯尊問之曰メシテ汝等愛メシテ

子耶コトクテ對言甚愛也亦問之長與少孰尤焉コトクテ大山

守命對言不逮于長子於是天皇有不悅之色コトクテ

時大鷦鷯尊豫察天皇之色以對言長者多經コトクテ

本朝... 傳
寒暑既為成人更无悒矣唯少者未知其成不
是以少子甚憐之天皇大悅曰汝言寔合朕之
心是時天皇常有立菟道稚郎子為太子之恚
然欲和二皇子之意故發是問是以不悅大山
守命之對言也甲子立菟道稚郎子譽田第為
嗣四十一年春二月戊申天皇崩時太子菟道
稚郎子讓位于大鷦鷯尊未即帝位曰奉宗廟
社稷重事也僕之不佞不足以稱夫昆上而季
下聖君而愚臣古今之常典焉願王勿疑須即

帝位大鷦鷯尊曰我雖不賢豈棄先帝之命輒
從弟王之願乎固辭不承各相讓之爰皇位空
之既經三載太子曰我知不可奪兄王之志豈
久生之煩天下乎乃自死焉大鷦鷯尊今擗呼
哭不知所如曰若死者有知先帝何謂我乎云
云元年春正月大鷦鷯尊即天皇位四年春二
月詔群臣曰朕登高臺以遠望之煙氣不於
域中以為百姓既貧而家无炊者封畿之內尚
有不給者况十畿外諸國耶三月己酉詔曰自

今之後至于三載悉除課役息百姓之苦是日始之黼衣鞋屨不弊盡不更為也溫飯煖衣不酸餒不易也削心約志以從事平無為是以官垣崩而不造茅茨壞以不葺風雨入隙而沾衣被星辰漏壞而露床蓐是後風雨順時五穀豐穰三稔之間百姓富寬炊烟亦繁

日本紀

贊

徽稱豈虛仁德維丕從令辭位登尚恤饑經學之效孝愛之推世致升平物涵雍熙

論

或曰謹稽天皇聖蹟若有為五倫書者宜弁之於友弟之選非孝傳之所當采歟曰不然友亦愛先人之遺體也豈有友而弗孝者哉况乎天皇之於先帝生則深懼傷其心志觀於少子甚憐之之答可見崩則深恐違其遺勅觀於固讓神器可見太子自裁爰迫於不獲已方始登極而猶不先帝何謂我乎之語其著存不忘者又可見

可不謂孝乎奚獨稱友而已書曰惟孝友于兄弟其天皇之謂乎其治八十有七年視民如傷自奉至薄不亦所謂親親而仁民乎抑按應神帝紀十六年春二月徵百濟王仁使人師之習諸典籍是本朝經學之權輿也蓋天皇資質粹美加以聖賢之學宜其仁孝誠敬至如是也皆後世人主之所當祖襲也曰天皇之所以為孝子則得聞命敢問先是有綏靖孝性之純深

有仲哀仰望之不息曷不託始乎曰二皇雖誠有不忘親者然終不如仁德及顯宗之孝而克讓矣楊氏慎云尚書首堯典舜典春秋首隱公史記世家首泰伯列傳首伯夷貴讓也余竊據之所以首此而遺彼也



二 顯宗天皇

天皇久居邊裔悉知百姓憂苦及即位也布德
 施惠政令流行卹貧養嫗天下親附初天皇父
 市邊押磐皇子及帳内佐伯部仲子於蚊屋野
 為大泊瀨天皇見殺因埋同穴於是天皇與億
 計王天小皇聞父見射恐懼皆逃亡自隱出髮天
 皇二年幡磨國司來目部小楯乃詣京都求迎
 二王白髮天皇聞意咨歎曰朕无子也可以為
 嗣與大臣大連定策復四月立意計王為皇太

子立天皇為皇子五年春正月白髮天皇崩是
月皇太子億計王與天皇讓位久而不處十二
月百官大會皇太子億計取天皇之璽置之天
皇之坐再拜從群臣之位曰此天皇之位有功
者可以處之著貴蒙迎省弟之謀也以天下讓
天皇天皇顧讓以弟莫敢即位億計曰云云天
皇於是乃聽百官陪位者皆忻忻焉世嘉其能
以實讓曰宜哉兄弟億計為皇太子如故元年
二月詔曰先王遭離多難殞命荒野朕在幼年

亡逃自匿後遇求迎升纂太業廣求御骨莫能
知者詔畢與皇太子億計泣哭憤惋不能自勝
是月召聚耆老天皇親歷問有一老嫗進曰置
目老嫗名知御骨埋處請以奉示於是天皇與皇
太子億計將老嫗婦幸于近江國來田綿蚊屋
野中堀出而見果如婦語臨穴哀號言更慟
自古以來莫如斯酷仲子之尸交橫御骨莫能
別者由是仍於蚊屋野造起雙陵相似如一葬
儀異二年春三月上巳幸後苑曲水宴群臣

類和萬歲二年夏四月天皇崩皇太子億計即
天皇位於石上廣高宮 日本紀

贊

於戲皇孫宜兄宜弟潛龍遂飛枯骨改塵
慟哭其壙恭敬厥祭孝顯天下世稱萬歲

論

孝者萬善之本善者百福之歸詩曰報以
介福萬壽無疆天皇至孝聖壽洽當無疆
何其短乎曰真氣有定數不可移矣但觀

常變如何而已夫善人壽而惡人歿常也
反是者變也天地之間安得有常而无變
哉春寒秋暑夏霜冬雷槩可以見然而善
人之歿也蓋身雖歿而其所以壽者則未
嘗泯如彼顏子千數百歲卓然與宣聖並
稱於世之類是也天皇孝誠弟順光被四
表達于後世其澤之不斬也八十有九代
于

人蓋將自夫與世木同榮古者而觀之則



本朝孝子傳

非亦無疆乎

五

三 仁明天皇

嘉祥三年春正月癸未天皇朝觀太皇太后於冷然院親王以下飲宴酣樂賜祿有差源史天皇降殿於南階下端笏而跪召源常朝臣藤原良房朝臣勅曰朕被太后命備吾處深宮之中未嘗見我帝御輦之儀今日事訖階下登輿使我得見朕再三辭遂未得命於卿等意如何奏曰如太后命而可天皇乃登殿至御簾前北面而跪于時寄鳳輦於殿階天皇下殿御輦而出

七石觀者攬淚僉曰天子之尊北面而跪聞孝敬之道自天子達庶人誠哉

續日本後紀

贊

瑞穗之國嘉祥之春仁洽四陲孝感兆民冷然院裡禮若人臣請看愛敬盡於事親

論

雖天子必有尊也者父母之謂也以其尊卑已自有定不可易之序也歟天之於地於臣義皆一也故舜雖攝帝位而

禮於馨瓊於漢高帝朝太公在家人
父子禮太公家令說太公曰天无二日土
无二王今高祖雖子人主也太公雖父人
臣也奈何令人主拜人臣太公然之擁篲
迎門然是徒知人主之尊而未知父於人
主之爲至尊也孟子所謂尊之至者可見
我龍田明神託言曰人之兩親即是內宮
外宮之神明也汝等不善事之而祈求於
外乎三嶋明神亦言人家不論貴賤必有

內外兩宮之神在若能事之而崇敬莫所
不盡則天神地祇日夜降臨其家蓋皆使
人知父母之尊宜與伊勢皇太神君相準
擬焉宜乎天皇之不欲御輦於冷然院之
階也



四 後三條院

帝為儲皇時

按神皇正統紀帝者後朱雀院之
第二子而後冷泉院之太子弟也後

朱雀院遺詔令在後冷泉院之東
宮迄至即位之後世稱有德之君 僧都成尊常

侯禳於其宮一日成尊問帝曰殿下拜北斗乎

帝曰每月拜之非是徵福他日登祚之事欲无

之念而猶未免有意于此是豈臣子之心乎吾

深懼其罪所以拜斗也成尊流涕

古事談

贊


人之拜斗多求福壽穆彼青宮所禱何祐

自非其非謝罪乎天忠孝之言聽者泣然

論

或問儲君恐罪而拜丰宮何也曰按北丰經註人之生也北丰莫不降氣於心心之象內虛而中藏於水水者天一之炁即北丰之精也故人運誠心於內丰悉知矣災患愆過不可不拜也竊料儲君曾有聞是說於成尊而深信之故今拜之歟曰所以拜丰則其或然以其有意於登祚自以為

罪戾何也曰孔子曰取婦之家三日不舉樂思嗣親也鮮之者曰思嗣親則不无感傷故不舉樂是知為人子者豫有意於繼嗣便是无感傷也若夫决无感傷則謂之有今將之心亦可也非罪而何儲君以是自責每月拜謝北辰其卒无期待之心者可知所以為孝也由此推之貳體之君為其君見疑而身遇害有如漢衛太子死於江充之姦者舉皆孝謹不至之所致也若



夫防^キ微^ラ杜^ラ漸^テ以^テ怕^ル其^ノ或^ハ流^ル於^テ不^レ孝^ニ正^ニ與^ト此^レ
 皇^ノ相^ノ似^ハ縱^ニ令^レ有^ル百^ニ江^ノ充^ル何^レ見^ル疑^ハ之^ノ有^ル



